

0.0.1 suvīrasuttaṃ

1. evaṃ me suttaṃ: ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. tatra kho bhagavā bhikkhū āmantesi bhikkhavoti. bhaddanteti te bhikkhū bhagavato paccassosum. bhagavā etadavoca:

2. bhutapubbaṃ bhikkhave asurā deve abhiyaṃsu. atha kho bhikkhave sakko devānamindo suvīraṃ devaputtaṃ āmantesi. ete tāta suvīra, asurā deve abhiyanti. gaccha, tāta suvīra, asure paccuyyāhīti. evaṃ bhaddaṃ tavāti kho bhikkhave suvīro devaputto sakkassa devānamindassa paṭissutvā pamādaṃ āpādesi.

3. dutiyampi kho bhikkhave sakko devānamindo suvīraṃ devaputtaṃ āmantesi: ete tāta suvīra, asurā deve abhiyanti. gaccha tāta suvīra, asure paccuyyāhīti. evaṃ bhaddaṃ tavāti kho bhikkhave suvīro devaputto sakkassa devānamindassa paṭissutvā dutiyampi¹ pamādaṃ āpādesi.

4. tatiyampi kho bhikkhave sakko devānamindo suvīraṃ devaputtaṃ āmantesi: ete tāta suvīra, asurā deve abhiyanti. gaccha tāta suvīra, asure paccuyyāhīti. evaṃ bhaddaṃ tavāti kho bhikkhave suvīro devaputto sakkassa devānamindassa paṭissutvā tatiyampi²

pts page 216

¹dutiyampiti - natthi, pts.

²tatiyampiti - natthi, pts.

pamādaṃ āpādesi.

5. atha kho bhikkhave sakko devānamindo suvīraṃ
devaputtaṃ gāthāya ajjhabhāsi:

anuṭṭhahaṃ avāyamaṃ³ sukhaṃ yatrādhigac-
chati,
suvīra tattha gacchāhi mañca tattheva pā-
payāti.

(suvīro:)
alasassa⁴ anuṭṭhātā na ca kiccāni kārāye,
sabbakāmasamiddhassa tamme sakka varaṃ
disāti⁵.

(sakko:)
yatthālaso anuṭṭhātā accantaṃ⁶ sukhamedhati,
suvīra tattha gacchāhi mañca tattheva pā-
payāti.

(suvīro:)
akammunā⁷ devaseṭṭha sakka vindemu yaṃ
sukhaṃ,

pts page 217

bjt page 386

³avāyāmaṃ - katthaci.

⁴alasvassa - machasaṃ, alasvāyaṃ - syā

⁵disanti - pts.

⁶accantasukhamedhati - syā.

⁷akammanā - pts.

asokaṃ anupāyāsaṃ tamme sakka varaṃ di-
sāti.

(sakko:)

sace atthi akammena koci kvaci na jīyati,
nibbāṇassa hi so maggo suvīra tattha gac-
chāhi mañca tattheva pāpayāti.

6. so hi nāma bhikkhave, sakko devānamindo sakaṃ
puññaphalaṃ upajīvamāno devānaṃ tāvatimsānaṃ is-
sariyādhipaccaṃ rajjaṃ kārento⁸ uttānaviriyassa vaṇ-
ṇavādī bhavissati. idha kho taṃ bhikkhave sobhetha,
yaṃ tumhe evaṃ svākkhāte dhammavinaye pabbajitā
samānā uttāheyyātha ghaṭeyyātha vāyameyyātha ap-
pattassa pattiyaṃ anadigatassa adhigamāya asacchika-
tassa sacchikiriyāyāti.

⁸karonto - pts.